



# mjesečni Bilten

omladinska mreža bosne i hercegovine

oktobar  
listopad  
2016.

209

## Dragi prijatelji/ce,

Predstavljamo vam oktobarsko izdanje mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine, koja za sada broji **182** organizacije i **115** pojedinaca iz **75** mjesta BiH.

Bilten trenutno izlazi na bosanskom-srpskom-hrvatskom i engleskom jeziku.

Bilten sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

[www.omladina-bih.net](http://www.omladina-bih.net)



### SADRŽAJ

Aktivnosti u oktobru 2016. ....	2
Planovi za novembar 2016. ....	5
Aktivnosti članova mreže.....	6
Saopštenja/informacije/donatori/pozivi .....	20

Uživajte u čitanju!

# AKTIVNOSTI ORC/HCA U OKTOBRU 2016.



## Anna Lindh Fondacija Bosanskohercegovačka mreža



U glavnom gradu Malte, Valeti, u periodu od 23. do 25. oktobra održan je **MED FORUM 2016**, najveće okupljanje mladih i civilnog društva, u svrhu promocije interkulturalnog dijaloga u Euro-Mediterranskoj regiji.

Ovogodišnji Med forum okupio je preko 600 učesnika iz preko 50 zemalja Evrope i Mediterana. Ovdje su na jednom mjestu bili kreatori politika, predstavnici institucija, organizacija, potencijalni donatori, mediji...

Ovogodišnji Forum je od posebnog značaja i važnosti, ne samo jer se održava na Malti (zemlji koja treba preuzeti predsjedavanje EU), nego i zbog trenutno napete situacije u regionu. Upravo je to i bila tema panel diskusije prvog dana: Udaljavanje od ekstremističkog narativa, koji prijete da podijeli sjeverni i južni Mediteran. Panelisti su bili: *Irina Bokova* (generalni direktor UNESCO), *Lamberto Zannier* (generalni sekretar OSCE), *Monica Maggioni* (predsjednica RAI televizije), *Mehdi Jomaa*, *Hajer Sharief* i *Brian Fishman*.



Tema panel diskusije drugog dana: Nove mogućnosti za dijalog, zahvaljujući populacijama u pokretu (migranti). Prema riječima panelista, u uslovima izbjegličke krize i sa sve većim brojem ljudi u pokretu širom regiona, glavni izazovi, ali i strateške mogućnosti za obnavljanje partnerstva i interkulturalnog dijaloga treba da budu istraženi.

Kroz dijaloge, i u skladu sa strategijama Evropske Unije, hvatajući se u koštac sa jedinstvenim izazovima, učesnici su u trodnevnom MED FORUM-u 2016 diskutirali o 10 prioriteta i konkretnih načina koji bi ubuduće pojačali interkulturalni dijalog sa ciljem borbe protiv negativnog trenda polarizacije i ekstremizma.

Jedan od glavnih zaključaka MED Foruma je: **Otvaranje svih kanala za produbljenje partnerstva sa civilnim društvom je nužno za osnaživanje socijalne elastičnosti, pluralizma, koegzistencije i poštovanja kroz Euro-Mediterranski prostor, a pojačati ulogu organizacija civilnog društva te posebno najmlađih generacija je najvažnije.**

Proglašavajući pokretanje projekta **Glasova Mladih Mediterana** (Young Mediterranean Voices), nudeći time novi prostor za konstruktivne debate i interkulturalni dijalog između mladih ljudi sa obje strane Mediterana, Visoka Predstavnik EU je u svojoj video poruci istakla značaj stvaranja novih načina za uključivanje mladih ljudi koji su važni u Evropi, i još važniji na drugoj strani Mediterana, gdje je dvije trećine populacije ispod 30 godina. „*Mladi ljudi samo traže načine da se uključe. Oni žele biti pokretači promjena*“, rekla je *Federica Mogherini*. „*Na našoj strani, vjerujem da imamo odgovornost: kao prvo odgovornost da slušano i potom djelujemo*“.



Predstavnici ALF BiH na MED Forumu 2016. Bili su: *Ivona Čelebić* – Promente Sarajevo, *Ljubiša Vasić* – Genesis projekat Banja Luka, *Goran Novković* – DIS Teatar Banja Luka i *Miralem Tursinović* – Nacionalni coordinator ALF BiH

## Omladinska grupa ORC Tuzla

### Završna manifestacija „Nedovoljan 1“



Omladinska grupa Omladinskog resursnog centra Tuzla, u sklopu projekta "Nedovoljan 1", organizovala je završnu manifestaciju koja se održala u pansionu "Miris Dunja 88" 13.10.2016. godine. Na manifestaciji su prisustvovali svi učesnici i partneri na projektu. U sklopu završne manifestacije učesnicima/ama su dodijeljeni certifikati, kao i zahvalnice partnerima na projektu. Pored toga održala se i projekcija kratkometražnog filma koji je prikazao rad i aktivnosti omladinske grupe u 15 minuta. U kratkometražnom filmu je predstavljen Omladinski resursni centar, mišljenje edukatora, učesnika i generalno mladih o problemu maloljetničke delinkvencije u našem gradu. Nakon formalnog dijela, gosti su se družili u lijepoj atmosferi.

### Inicijativa „Potpiši za život – za siguran saobraćaj“

U organizaciji Omladinske grupe "ORC Tuzla" organizovano je prikupljanje potpisa na tuzlanskom korzu kroz inicijativu "Potpiši za život – za siguran saobraćaj".

Potreseni tragičnim događajem koji se dogodio u našem glavnom gradu, a u kojem su dvije djevojke smrtno stradale u prometnoj nesreći zbog nebrige vozača i nepoštovanja saobraćajnih ograničenja, članovi Omladinske grupe iz Tuzle odlučili su istupiti pred sve građane sa peticijom "Potpiši za život – za siguran saobraćaj" kako bi povećali bezbjednost svih učesnika u saobraćaju. "Potpisivanje peticije se održalo od 11 sati na tuzlanskom korzu ispred



*Narodne apoteke. Također, ova inicijativa je i način nas mladih iz Tuzle da uputimo iskreno saosjećanje porodicama naših prerano preminulih vršnjakinja“, – navodi se u dopisu.*

Inicijative koje smo zajedno sa ostalim građanima potpisati usmjerene su ka Vladi Tuzlanskog kantona i Gradu Tuzla:

- Povećanje prisustva policije na Južnoj magistrali u Tuzli, posebno u noćnim satima
- Da se hitno krene sa izgradnjom pasarele na potezu Stupine-Ši selo, Zlokovac
- Da se reguliše saobraćaj na raskrsnici kod bivše bolnice



## Akademija političkog osnaživanja

Transparency interenational Bosne i Hercegovine je tokom 27. i 28. Oktobra u saradnji sa Omladinskim resursnim centrom Tuzla realizovao akademiju političkog osnaživanja za preko 20 polaznica iz našeg grada. Akademija se održala u prostorijama Filozofskog fakulteta Univerziteta u Tuzli.



Teme o kojima su razgovarali sa eminentnim predavačima usko vezanim za ovu oblast djelovanja bile su učešće žena u politici, liderstvo i uloga integriteta i transparentnosti u politici.

## Nacionalni dijalog – konferencija Sarajevo

U Sarajevu je, u periodu od 28. – 30. oktobra održana konferencija: Nacionalni dijalog u BiH. Konferenciju je organizovala Organizacija **Soul of Europe**, čije je sjedište u Velikoj Britaniji. Organizaciju vodi g. *Velečasni Donald Reeves*, a glavni finansijer ove konferencije je engleski *lord Hylton*. Na konferenciji je učestvovalo 30 mladih iz čitave BiH, a Omladinsku grupu ORC Tuzla predstavljali su: *Adi Selman, Adnan Čirak, Mirnes Ćerimović, Sabina Redžić, Mehmed Sulejmanagić, Amela Mulahmetović.*



Konferencija je trajala tri dana. Razgovaralo se na teme: Trenutno stanje bh društva, prošlost kao lekcija budućnosti, religija-problem ili rješenje, pomirenje i međuetnička saradnja, kvalitet obrazovnog sistema, odljev mozgova, važnost euroatlanskih integracija.

Kao rezultat uspješno odrađene konferencije motivisali smo organizatora da dogovorimo projekat za naredni period a u skladu s tim dogovoren je jednodnevni sastanak u Zenici najvjerovatnije 18.11.2016. godine kada ćemo detaljnije pričati na tu temu.

## Aktivnosti grupe



U toku mjeseca novembra na poziciji koordinatora Omladinske grupe Omladinskog resursnog centra dolazi do smjene. Postojećeg koordinatora, *Slobodan Blagovčanina*, u periodu od novembra 2016. do februara 2017. mijenjaće *Ivana Jokić*.

Omladinska grupa nastavlja sa aktivnim radom i redovnim sastancima, a u trenutku pisanja izvještaja za bilten Omladinska grupa je podnijela jedan projekat „Institutu za razvoj mladih KULT“ i dva su u izradi za „Fondaciju tuzlanske zajednice“ i „Vijeće Evrope – Evropska omladinska fondacija“.

## Redovne aktivnosti ORC i hCa Tuzla:

Tokom oktobra radili smo na održavanju i razvoju komunikacija i koordinacije unutar Omladinske mreže Bosne i Hercegovine ([www.omladina-bih.net](http://www.omladina-bih.net)). U okviru toga smo svakodnevno na mejling listu mreže ([posta@omladina-bih.net](mailto:posta@omladina-bih.net)), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH. Vršili smo korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH. Isto tako, naš projektni tim nastavio je sa apliciranjima za projekte za ovu godinu.

# PLANOVI HCA/ORC-A ZA NOVEMBAR 2016.

- Sprovođenje redovnih aktivnosti kroz Omladinsku mrežu BiH;
- Aktivno učešće u međunarodnoj ALF mreži, održavanje i logistička podrška ALF Mreži Bosne i Hercegovine;
- Pripreme za organizovanje godišnjeg sastanka ALF mreže BiH;
- Promocija regionalnog Izvještaja o Povjerenju građana Zapadnog Balkana i Turske u javne institucije, u saradnji sa SeCons Beograd i hCa Banja Luka;
- Učešće na završnim sastancima i konferenciji o Ljudskoj sigurnosti (Beograd, 4.-5. Oktobar, Skopje, 9. – 11. Oktobar), u okviru projekta „Prekogranične građanske mreže za mir, pomirenje i sigurnost ljudi na Balkanu“;
- Početak aktivnosti na partnerskom projektu „Crew from the hood – Messages from province“, sa partnerima iz Srbije (Forum građanske akcije – FORCA Požega) i Crne Gore (NGO Fenomeni Kolašin).

# AKTIVNOSTI ČLANICA OMLADINSKE MREŽE BiH



Anesa Hidić, član Omladinske mreže, pojedinac

Omladinski krug Kladanj  
E-mail: anesahidic@hotmail.com

## Uređenje parka „Oaza mira“

U okviru zajednica Pro Budućnosti dana 24.10.2016 organizirano je uređenje parka "Oaza mira" u Kladnju. Zajedničkom akcijom U.z. Priroda Bratunac kao nositelja projekta, Omladinskim krugom Kladanj te uz podršku U.z. Podrinje Vlasenica, općine Kladanj i učenika šumarske srednje škole iz Kladnja, zasađene su sadnice zmizelenog ukrasnog bilja. Ovo je još jedna u nizu akcija koje promoviraju mir i nenasilje a koje finansiraju veliki donatori USAID i CRS.



## „Pjesnički susreti prijateljstva“

Hol Doma kulture u Kladnju je bio domaćin manifestacije: "Pjesnički susreti prijateljstva" u okviru Pro Budućnosti projekta. Na susretima koji su održani 20.10.2016. su uzeli učešće pjesnici iz Kladanja i Vlasenice.

## Promocija knjige dr.sc. Amira Meškovića - Geologija Kladnja

Dana 15.10.2016. u holu Doma kulture u Kladnju u organizaciji BZK Preporod održana je promocija knjige dr.sc. *Amira Meškovića* - Geologija Kladnja. Pored gostiju iz struke zainteresiranost su pokazali i mnogi sugrađani.





## OMLADINSKA ORGANIZACIJA "SVITAC"

Ul. Jusufa Čampare bb, 76100 Brčko Distrikt BiH  
Tel./Fax: +387 49 211 032  
E-mail: [svitac@gmail.net](mailto:svitac@gmail.net)  
Web: [www.svitac.org](http://www.svitac.org)  
FB: [www.facebook.com/omladinska.svitac](https://www.facebook.com/omladinska.svitac)

## Dnevne radionice

Omladinska organizacija Svitar je u oktobru nastavila sa svakodnevnim aktivnostima. Učesnici su podijeljeni na dvije grupe, uzrast 4-7 godina svakim danom od 11:00-13:00, a uzrast 8+ od 14:00-15:30 časova. Grupa sa mališanima je ovog mjeseca pravila zajedno sa međunarodnim volonterima razne dekoracije od prirodnih materijala kao što su grančice, lišće, kestenje, kamenje, vuna, kolaž i razne vrste dekorativnog i običnog papira na temu "Morski svijet" i "Jesen". Mlađa grupa je svake srijede vježbala pjesmicu "Điha điha" i slušala druge dječije pjesmice namijenjene njihovom uzrastu. Vježbali su svakog četvrtka brojeve koristeći radne listove za bojenje i ponavljali oblike i boje na engleskom jeziku; takođe su učili o raznim vrstama životinja u moru, koje su zatim crtali koristeći voštane boje, flomastere i drvene bojice. Cilj ovih aktivnosti kao i do sada je da djeca razviju maštu i da koristeći razne materijale izraze svoju kreativnost, takođe da razviju motoriku i poštovanje prema drugom i usvoje lijepo ponašanje. U oktobru je do 25 učesnika pohađalo jutarnje dnevne radionice.



Poslepodnevna grupa prati raspored koji je svaki dan drugačiji, pokušavajući obuhvatiti što više različitih tema i aktivnosti. (uzrast 8+).

Ponedjeljkom je na rasporedu engleski jezik, komunikacija, izgovor, te razne igre koje pospješuju učenje stranog jezika u grupi. Grupa je i ovaj mjesec, pored gramatičkih zadataka, vježbala komunikaciju na engleskom jeziku. Utorkom - kreativno izražavanje, pravljenje raznih dekoracija. Srijeda je dan za muziku i učenje osnova na klaviru, uključujući teoriju muzike za početnike i čitanje nota. Svakog četvrtka starija grupa je podijeljena u dvije manje i učesnici imaju mogućnost da se okušaju u društvenim igrama i timskom radu, razvijajući osjećaj za poštovanje drugog, socijalizaciju i

fer igru. Petkom su radionice njemačkog jezika kao i dan za pomaganje u izradi domaće zadaće.

Radionice se održavaju u Omladinskom centru Brčko distrikta. Koordinator radionica u oktobru je bila Slađana Bašić uz asistenciju lokalnih i Weltwaerts i EVS međunarodnih volontera *Alexandera Likica* iz Njemačke, te *Monice Reeves*, *Eleonore Pearson*, *Hajra Makda* i *Catherine Rolley* iz Velike Britanije. Broj učesnika starije grupe je trenutno između 15 i 20 učesnika.

## Jezičke radionice

Kursevi engleskog i njemačkog jezika su nastavljani i u oktobru. 30 studenata trenutno pohađa ove kurseve i podijeljeni su u tri grupe (Početni 1, Početni 2 za djecu i odrasle i Srednji 1 za djecu). Svaka grupa ima dva časa sedmično u trajanju od sat i po, a časovi se održavaju u prostorijama Omladinske organizacije Svitar i Omladinskom centru Brčko distrikta. Starost studenata je od 8 do 35 godina.

## „Pričajmo njemački“ – radionice komunikacije na njemačkom jeziku sa izvornim govornicima

Radionice njemačkog jezika se održavaju svakog četvrtka u prostorijama Omladinskog centra Brčko distrikt od 17:30-20:00 časova. Zbog velike zainteresovanosti i različitih nivoa poznavanja jezika i gramatike, učesnici su podijeljeni u dvije grupe, u grupu za početnike (novi A1) i napredne (A2, B1, B2). Radionice komunikacije na njemačkom jeziku su namijenjene svima koji žele naučiti osnove gramatike, ali i usavršiti već postojeće znanje i steći nova iskustva i poznanstva. U oktobru su grupe na svim levelima radili na tekstovima prilagođenim njihovom poznavanju njemačkog jezika iz njemačkog magazina za mlade „Vitamin.De“. Koordinator projekta je međunarodni volonter iz Njemačke *Alexander Likic*. Radionice je u oktobru pohađalo 10 učesnika (dvije grupe). ■

## „I love English“ – radionice komunikacije na engleskom jeziku sa izvornim govornicima

Radionice engleskog jezika se održavaju svake srijede u prostorijama Omladinskog centra Brčko distrikt od 19:00-20:00 časova. Radionice komunikacije na engleskom jeziku su namijenjene svima koji žele naučiti osnove gramatike, upotrebu svakodnevnih fraza i drugih elemenata, ali i usavršiti već postojeće znanje i steći nova iskustva i poznanstva. U oktobru su učesnici radionica radili na komunikaciji i debatama sa različitim temama. Koordinator projekta je međunarodna volonterka iz Velike Britanije *Monica Reeves*. Radionice je u oktobru pohađalo 8 učesnika. ■

## „Freeletics“ – sportske radionice

Sportske radionice se održavaju utorkom i četvrtkom od 21:00-22:00 časova u prostorijama Omladinskog centra Brčko distrikt i namijenjene su mladim ljudima koji žele da poboljšaju motoriku, kondiciju i tjelesnu snagu, te da steknu nove vještine i poznanstva. Koordinator projekta je *Miloš Popić*. ■

## Radionice gitare

Učesnici radionice gitare su nastavili sa redovnim radom uvježbavajući razne tehnike, etide, kompozicije i duete u skladu sa njihovim trenutnim mogućnostima i poznavanjem instrumenta. ■



## Radionice sambe

Učesnici ove radionice su većinom ponavljali kompozicije koje su uvježbavali u prethodnom periodu. ■

*Za novembar se planira nastavak svih redovnih radionica Omladinske organizacije Svitac.*



## MEĐUNARODNI CENTAR ZA DJECU I OMLADINU „FORTIS“

Ul. Suljo Čilić bb, 88420 Jablanica  
 Tel:+38763334993; +38761327427  
 E-mail: centarfortis@yahoo.com  
 Web: www.centar-fortis.org

# Let`s do it – milion sadnica za jedan dan!

U subotu 22.10.2016. godine održana je velika akcija pošumljavanja u sklopu ekološke akcije i projekta Let`s do it – milion sadnica za jedan dan! Već šest godina je prošlo kako se u općini Jablanica realizuje projekat „**Lets do it**“. Ovo je deseta po redu akcija od 2012. godine koja se održava u općini Jablanica a sa istim ciljem: da naša ekološka svijest bude veća.



Često zaboravljamo da šume imaju važnu ulogu u sprečavanju nastajanja bujica, da šuma sprečava eroziju zemljišta i da je ona najbolji filter za dobijanje pitke vode. Današnji centar svijeta i zbivanja, nažalost, su nove informacijske tehnologije, a samo pokatkad prisjetimo se da riječ „šuma“ postoji.

Ove godine su neizostavnu podršku dali članovi Asocijacije srednjoškolaca u BiH – lokalni tim za Jablanicu. U toku dvodnevnog predavanja oni su učenicima I i II razreda srednje škole držali prezentaciju o važnosti očuvanja šuma.

Neke od važnosti šume su:

- samo 4 bukova stabla kroz 100 godina obezbijede kiseonik jednom čovjeku za 80 godina života;
- čovjek može da živi bez hrane 5 nedjelja, bez vode 5 dana, a bez vazduha samo 5 minuta;
- uloga šuma u prečišćavanju zagađene atmosfere je važnija od njene uloge u proizvodnji kiseonika;
- visoke šume, površine od 1 ha, u procesu fotosinteze oslobađaju 3 tone kiseonika a potroše oko 4 tone ugljen-dioksida;
- bukove šume, površine 1 ha, mogu primiti čak 68 tona čađi i prašine;
- jedno stablo divljeg kestena, starosti oko 30 godina, može da zadrži 120kg prašine i 80kg aerosola godišnje;
- 1ha kleke godišnje emituje u atmosferu oko 30kg materija sa baktericidnim dejstvom, što je dovoljno za dezinfekciju omanjeg grada (takoreći i Jablanice);
- šuma smanjuje buku, što zavisi od tipa šume, gustine, visine grmlja i godišnjeg doba.



Akcijom Let`s do it – milion sadnica za jedan dan želimo ukazati upravo na tu veliku važnost šuma koje koristi ovom čovjeku koji živi na ovoj zemlji i planeti.

Međunarodni centar za djecu i omladinu „Fortis“ je zajedno sa Šumarstvom Srednje Neretvanskim, kao stručnom timom, zasadio je 300 sadnica crnoga bora na lokalitetu Suhava u Glogošnici koji je prije toga bio pripremljen za pošumljavanje.

Zahvaljujemo se omladini, učenicima, Asocijaciji srednjoškolaca BiH – lokalnom timu

Jablanica, Srednjoj školi Jablanica, Jablanica-transu i ekipi iz Lokalnog tima Sarajevo a posebno *Junuzu* i *Mirsadi Elkaz* koji su pomogli da se održi akcija pošumljavanja u općini Jablanica.

Ovakvih akcija će u budućnosti biti još više i ovo nije kraj. Ostavili smo trag i pripremili put za one koji dolaze iza nas. Mislimo na budućnost samih nas, naše omladine.

Svakako da dodatne informacije možete dobiti putem Facebook stranice ili internet stranice: [www.centar-fortis.org](http://www.centar-fortis.org)



## H.O. MUSLIMANSKO DOBROTVORNO DRUŠTVO – MERHAMET DOBOJ

Ul. Kralja Aleksandra 17, 74000 Dobož  
Tel./fax: +387 53 226 886  
E-mail: merhamet.doboj@cutuk.net  
FB: www.facebook.com/Merhamet-Doboj

✧ Sastanak koalicije „Tolerantno i pozitivno“ iz Doboja sa predstavnicima OSCE- a iz Banja Luke.



✧ Sastanak Koalicije "Tolerantno i pozitivno" iz Doboja pripreme za dan tolerancije.



✧ Predsjednica Merhameta Dobož prisustvovala okruglom stolu NVO "Otvori oči" na temu - uputstava za izradu strategije razvoja socijalne sigurnosti u lokalnoj zajednici.



✧ Avdić Faketa prisustvovala treningu - Jačanje lokalnih razvojnih partnerstava u općinama.



✦ Avdić Faketa prisustvovala seminaru "Partnerstvo između civilnog društva i biznisa BiH".



✦ Sastanak Koalicije "tolerantno i pozitivno" iz Doboja Pripreme za dan tolerancije.



✦ Raspodjelom humanitarne pomoći u Merhametu Dobju obuhvaćeno oko 400. porodica. Vrijedni aktivisti na zadatku.





## Institut za razvoj mladih KULT

Ul. 4. viteške brigade 34-36 BA, 71210 Ilidža, Sarajevo  
E-mail: kult@mladi.org  
Tel.: +387 33 778 778; Fax: +387 33 778 779  
Web: www.mladi.org

# Usvajanjem Strategije prema mladima FBiH do boljeg ambijenta za život mladih

Strategija prema mladima FBiH ima izuzetno veliku važnost, posebno one mjere koje se tiču sigurnosti mladih, te poticanje razvoja vještina kod talentiranih mladih ljudi kroz sve oblasti, istakao je predsjednik FBiH Marinko Čavara na sastanku sa predstavnicima Instituta za razvoj mladih KULT, koji je održan u oktobru.

*„Stvaranje boljeg ambijenta za život mladih u svim dijelovima Federacije BiH i BiH je prioritet koji moramo što prije realizirati kako bi osigurali bolje uvjete mladima za obnašanje svih pozicija u društvu, kao i zaustavljanje odlaska mladih iz BiH.“*, poručio je predsjednik FBiH Marinko Čavara.

Prema riječima izvršnog direktora Instituta za razvoj mladih KULT Jasmina Bešića, u skladu s analizom koju je 2013. godine uradio Institut, izrađen je tekst prve Strategije za mlade Federacije BiH. Institut je podržao proces izrade teksta Strategije, te pružio stručno-konsultativnu podršku Ministarstvu kulture i sporta Federacije BiH.

Radna grupa koja je učestvovala u izradi prve Strategije prema mladima u FBiH usvojila je tekst ovog dokumenta još u augustu 2015. godine, no do usvajanja i implementacije dokumenta još uvijek nije došlo.

Kako je istakla voditeljica projekta *Katarina Vučković*, saradnja sa svim članovima Radne grupe za izradu radnog teksta Strategije prema mladima FBiH bila je dobra, ali postoji bojazan da bi zbog čekanja dokument mogao izgubiti na relevantnosti.

Usvajanje Strategije prema mladima, na svim nivoima u Federaciji od izuzetne je važnosti za kreiranje boljeg ambijenta za mlade, a trenutno se radi i na izradi Strategije prema mladima USK.

Predstavnici Instituta za razvoj mladih KULT početkom oktobra posjetili su Ministarstvo obrazovanja, nauke kulture i sporta Unsko-sanskog kantona. Na sastanku je razgovarano o ranije pripremljenom nacrtu Strategije prema mladima za ovaj kanton.

Na sastanku su bili predstavnici ministarstva i Instituta zaduženi za koordiniranje radne grupe, a govorili su o svim aspektima nacrta ovog dokumenta, te na koji način se pojedine oblasti u samoj Strategiji mogu još unaprijediti i konkretizirati u skladu sa Zakonom o mladima FBiH

Strategija prema mladima USK obuhvata oblasti:

- Rada, zapošljavanja i poduzetništva mladih,
- obrazovanja i nauke,
- socijalne brige,
- zdravstvene zaštite,
- sigurnosti,
- kulture i sporta,
- aktivizma (učesće, volontiranje i mobilnost) mladih.



Svrha donošenja Strategije je poboljšati položaj mladih u Unsko-sanskom kantonu kroz stvaranje odgovarajućih uslova za bolji i efikasniji dijalog, te još funkcionalniju koordinaciju aktera odgovornih za pitanja mladih u ovom kantonu.

Strategija se odnosi na period 2016. – 2020., a bit će kreirana na osnovu rezultata istraživanja o stanju i potrebama mladih.

Unsko-sanski kanton jedan je od prvih kantona koji je pristupio izradi Strategije, a u kreiranje su uključene razne interesne strane koje će ponuditi rješenja konkretnim i brzim mjerama. ■

## Korak dalje ka kreiranju boljeg poslovnog ambijenta u BiH

Kako do novih radnih mjesta? Kako kreditiramo državu? Kako se izdvajao novac za privredu? Ima li u Bosni i Hercegovini primjera pozitivne prakse?

Ovo su samo neka od pitanja na koja su ponuđeni odgovori u drugom broju Biltena Mreže za kreiranje boljeg poslovnog ambijenta u BiH, neformalne mreže koju čine predstavnici vlasti, privrede, civilnog i akademskog sektora i medija, a koji je objavio Institut za razvoj mladih KULT.

Mreža djeluje kao savjetodavna podrška Institutu u provođenju inicijative „**Poslovni prostor BH**“, a koja je dio Projekta održivosti civilnog društva u Bosni i Hercegovini (CSSP), koji realizuju Centri civilnih inicijativa (CCI) i Centar za promociju civilnog društva (CPCD), a koji je podržan od Američke agencije za međunarodni razvoj (USAID).

Namjera Inicijative je da se utemeljenim i usmjerenim zakonodavno-zagovaračkim aktivnostima kreira povoljnija poslovna klima, između ostalog i kroz znatno poboljšane i budžetski ojačane programe podrške malom i srednjem preduzetništvu, uređenje raspodjele različitih budžetskih poticaja privredi te uvođenjem zakonskih olakšica kod naplate poreza i plaćanja doprinosa za novozaposlene. Inicijativa se provodi od 2014/2015. godine, a u drugom broju Biltena su predstavljeni rezultati i aktivnosti realizovani u toku 2015/2016. godine.

Mreža je otvorena za sve zainteresirane strane koje smatraju da mogu doprinijeti stvaranju boljeg poslovnog ambijenta i otvaranju novih radnih mjesta u BiH.

Elektronska verzija Biltena je dostupna za preuzimanje na linku: <http://mladi.org/url/ba> ■

## Kako do bolje komunikacije između mladih i službenika za mlade?

U oktobru je održan treći modul obuke za službenike i službenice za mlade iz Federacije Bosne i Hercegovine. Kroz ovaj modul službenici su se bavili kampanjama za pitanja mladih na općinskim i kantonalnim nivoima, a posebna pažnja posvećena je razvoju komunikacijskih vještina, jačanju uloge službenika/ca za mlade u strukturama općina i kantona, te preispitivanju načina percipiranja službe za mlade od strane ove populacije.

Poseban fokus bio je na predstavljanju uloge službenika/ca prema mladima u zajednicama u kojima rade, kako bi se premostile predrasude i sama uloga službenika/ca više približila mladima. Na ovaj način i provedba Zakona o mladima FBiH i drugi mehanizmi za mlade iz ovog zakona mogu postati bliži mladim ljudima.

Polaznici/ce obuke smatraju da im je obuka od velike pomoći jer pored teoretskog dijela obuhvata i praktični rad tokom svakog modula, a između modula službenici/ce su dužni raditi i zadeće, koje se odnose na njihov direktan rad s mladima i u službi za mlade.

Službenici/ce su dužni pohađati pet modula, a najmanje u 80% obuke uraditi i zadeće poslije prva četiri modula, te uraditi završno testiranje nakon kojeg će najuspješniji dobiti i certifikat u skladu sa Pravilnikom.

Obuka službenika/ca ima cilj da se polaznici/e osposobe za samostalno obavljanje poslova službenika/ca sticanjem certifikata o znanju o politici prema mladima i radu s mladima, te da osobe koje u državnoj službi obnašaju ili će

obnašati funkciju i poslove službenika/ca budu stručno osposobljene za rad s mladima, uz posjedovanje stručnih kompetencija i certifikata neophodnih za obavljanje te pozicije u organu državne službe.

Program obuke održava se u partnerstvu sa Federalnim ministarstvom kulture i sporta, po čijem se pravilniku obuka i provodi, a u suradnji sa Centrom Olof Palme. ■



## Šta mladi znaju o javnom zagovaranju?!

Javno zagovaranje bila je osma po redu tema obuke „Uči, misli, djeluj!“ koju pohađaju mladi iz cijele Bosne i Hercegovine.

Polaznici/ce obuke kroz ovu temu učili su kako probleme koje primjećuju u zajednici rješavati javnim zagovaranjem i to korištenjem jasnih ciljeva, te predlaganjem konkretnih rješenja.

Učesnici/ce o javnom zagovaranju učili su kroz primjenu vještina u rješavanju konkretnih problema u bh. društvu, radeći na razvoju zagovaračkih taktika koje se koriste u zagovaranju za promjene u društvu.

U okviru ovog modula za učesnike/ce organizovana je i „Kafa sa...Senkom Imamović“, a mladi su od urednice imali priliku više saznati o Časopisu o radu s mladima IUVENTA, te kako pisati za časopis.

"Svi učesnici i učesnice obuke imaju isti cilj - izgraditi sebe u osobe koje će u budućnosti biti ključan dio doprinosa u bh. društvu. Obuka za omladinske lidere koju organizuje Institut za razvoj mladih KULT u ovom je trenutku jedna od najkvalitetnijih koja se nudi mladim osobama u BiH. Da ćemo marljivo raditi i učiti, moglo se već pretpostaviti." – naglasio je Nedim Musić iz Prijedora, jedan od učesnika obuke.

U obuci učestvuje 24 mladih iz oba entiteta, a u okviru obuke učit će o još dvije teme. Krajem godine bit će dodijeljeni i certifikati za najuspješnije polaznike/ce obuke. ■



## Dan otvorenih vrata SPAJALICE obilježen uz igru i druženje više od 150 djece

Više od 150 djece posjetilo je Obrazovno-raznodni centar za mlade SPAJALICA tokom Dana otvorenih vrata, koji je održan u petak, 21.10.2016. godine.

Za sve posjetioce organizovano je druženje, sportske aktivnosti, te edukativne i zabavne radionice. Centar su posjetili učenici osnovnih škola sa područja općine Ilidža, ali i dječaci i djevojčice iz drugih dijelova grada.

*„Volim dolaziti u SPAJALICU i volim aktivnosti koje organizuju. Ovdje sam upoznao mnogo drugova i drugarica, ali i mnogo naučio. Pozivam i drugu djecu da dođu i druže se sa nama. Bit će im lijepo.“* – poručio je devetogodišnji Alen.



Djeca su imala priliku učestvovati u igrama fleksibilnosti i okretnosti, igrama motorike i brzine, radionici oblikovanja životinja od lišća, te brojnim interaktivnim radionicama, a sve aktivnosti bile su prilagođene njihovom uzrastu.

Dan otvorenih vrata Obrazovno-raznodnog centra za mlade SPAJALICA tradicionalno se održava svake godine, uz podršku Općine Ilidža. ■



HO „PARTNER“ Banja Luka

Ul. Srđe Zlopogleđe 55, 78000 Banjaluka  
Tel./fax: +387 51 250 730, +387 51 250 731  
E-mail: partner@teol.net  
Web: www.hopartner.org

## Forum „Šta sve žene mogu i znaju?“ za osnaživanje žena sa invaliditetom

„Šta sve žene mogu i znaju?“ naziv je Foruma koje Humanitarna organizacija „Partner“ organizuje od septembra mjeseca, a sve u cilju osnaživanja žena sa invaliditetom.

Forumi su zamišljeni tako što imamo centralnu gošću, tj. uspješnu ženu različitih profesija, sa kojom u formi intervju razgovaramo o njenom životu, usponima i padovima, planovima, ambicijama. Želimo da na ovaj način pokažemo ženama sa invaliditetom da sve žene, bez obzira da li imaju invaliditet ili ne, imaju probleme sa kojima se suočavaju baš zbog toga što su žene.

Gošća prvog Foruma „Šta sve žene mogu i znaju?“ bila je *Tatjana Mizdrak*, novinarka i urednica Radio-televizije Republike Srpske sa kojom smo razgovarali o životnim stavovima, uspjehu na poslu, medijskoj pažnji i kako važne teme, kao što su npr. žene sa invaliditetom, učiniti zanimljivim medijima, manje plaćenom ženskom radu, ravnopravnosti svih žena i zahtjevima koji se danas stavljaju pred modernu ženu.



*Tijana Đup*, life coach (ili motivaciona mentorica kako voli za sebe da kaže), bila je gošća drugog Foruma. *Tijana* je sa učesnicama podijelila svoju životnu priču, koja može poslužiti kao inspiracija mnogim ženama koje su spremne da žive a ne samo sanjaju svoj san. Učesnice su imale priliku da *Tijani* postavljaju pitanja o koja su ih zanimala, kao i da podijele svoja iskustva o njihovom odnosu sa njom. „Šta je life coach, koji su motivi naveli *Tijanu* da svoj život posveti pomaganju drugim ljudima da ostvare svoje snove?“ samo su neka od pitanja koja su bila upućena gošći Foruma.

Na prijedlog njenih studenata, gošća trećeg Foruma „Šta sve žene znaju i mogu?“ bila je profesorica Fakulteta političkih nauka, studijskog programa socijalnog rada, *doc. Dr Jagoda Petrović*. Posebno profesionalno iskustvo u dotovo 20 godina kontinuiranog rada pomoći izbjeglim i raseljenim licima, bio je u fokusu priče sa profesoricom Jagodić. Ispunjen ljubav prema nauci i studentima sa kojima radi uticali su da se u potpunosti posveti radu na fakultetu. Svoju kreativnost i sposobnost za pisanje iskušala je i u novinarstvu, nauci, kao i u knjigama koje govore o ljudskim sudbinama. Siromaštvo kao oblast za koju je zainteresovala opisala je u najnovijoj knjizi „**Nemam dakle ne postojim**“.

Gošća narednog Foruma biće *Maja Diljkan*, djevojka kojoj je višegodišnje volontiranje u nekoliko nevladinih organizacija omogućilo da volontira na Olimpijskim i Paraolimpijskim igrama održanim ove godine u Brazilu.

Iako je prvenstveno bilo planirano da učesnice Foruma budu isključivo žene sa invaliditetom, dogovoreno je da na naredne forume budu pozvane i žene sa invaliditetom, a sve u cilju da zajedno podižemo svijest o ravnopravnosti žena sa i bez invaliditeta u društvu. ■



*Tijana Đup*, life coach (ili motivaciona mentorica kako voli za sebe da kaže), bila je gošća drugog Foruma. *Tijana* je sa učesnicama podijelila svoju životnu priču, koja može poslužiti kao inspiracija mnogim ženama koje su spremne da žive a ne samo sanjaju svoj san. Učesnice su imale priliku da *Tijani* postavljaju pitanja o koja su ih zanimala, kao i da podijele svoja iskustva o njihovom odnosu sa njom. „Šta je life coach, koji su motivi naveli *Tijanu* da svoj život posveti pomaganju drugim ljudima da ostvare svoje snove?“ samo su neka od pitanja koja su bila upućena gošći Foruma.





## Centar za edukaciju, informisanje i afirmaciju mladih "INPUT"

Ul. Mokušnice 10, 72000 Zenica

Tel./fax: +387 61 766 532

E-mail: [info@inputcentar.com](mailto:info@inputcentar.com)

Web: [www.inputcentar.com](http://www.inputcentar.com)

Facebook: <https://www.facebook.com/udruzenje.input>

## ČETVRTKOM U INPUT-U

INPUT tim pokreće nove aktivnosti i projekte. Od mjeseca novembra Vas očekuje novi projekat "Četvrtkom u INPUT-u". A šta vas to očekuje? Radionice, predavanja, nove ideje, novi ljudi i još mnogo toga zanimljivog i korisnog.

U okviru našeg prvog druženja učesnici će imati priliku da nauče nešto novo o bloganju, socijalnim mrežama, kako zaraditi na internetu i o volontiranju i to od poznate bh. blogerke Hane Kazazović u ugodnom ambijentu Centra za mlade INPUT, Mokušnice 10 Zenica.

Svi prijavljeni putem online OBRASCA na web stranici [www.inputcentar.com](http://www.inputcentar.com) će imati priliku da nauče nešto novo, da pitaju, da podjele i sa ostalim učesnicima svoja iskustva i još mnogo toga.

Prvo druženje "Četvrtkom u INPUT-u" će se održati 03.11.2016. u 18:00h. Svakog četvrtka pripremamo mnoštvo zanimljivosti iz kojih možete mnogo toga naučiti.

Ne zaboravite sami birate kako ćete provodit svoje slobodno vrijeme, mi vam samo nudimo jednu od mogućih opcija. Čekamo Vas, četvrtkom u INPUT-u "Izbor je ono što svakog od nas čini čovjekom". ■



**Četvrtkom u INPUT-u**  
Šta vas to očekuje? Radionice, predavanja, nove ideje, druženja, upoznavanja i još mnogo toga zanimljivog i korisnog...

**INPUT**  
CENTAR ZA MLADU

**Gošća: Hana Kazazović, poznata bh. blogerka**

**Kada? 03.11.2016. (četvrtak) u 18:00h**  
**Gdje? Centar za mlade INPUT, Mokušnice 10 (bivše obdaniše Kekec)**

Pratite nas na: [www.inputcentar.com](http://www.inputcentar.com)



## Moja mjesna zajednica je COOL

Članovi i volonteri Centra za mlade INPUT iz Zenice su u proteklom periodu intenzivno radili na uređenju lokalne sredine. U okviru projekta „Moja mjesna zajednica je cool“, petnaest volontera/ki radilo je na uređenju prostorija koje bi koristili mladi za svoje aktivnosti.



U uređenim prostorijama mladi su u okviru istog projekta imali priliku učiti o omladinskom radu, volonterizmu, zdravim stilovima života, te brojnim drugim temama bitnim za mlade.

Projekt „Moja mjesna zajednica je cool“ realizuje Centar za mlade INPUT, uz podršku Instituta za razvoj mladih KULT.

## Znanjem do diplome

Centar za mlade INPUT je 10.10.2016. u holu zgrade Pravnog i Ekonomskog fakulteta u Zenici postavio info štand na kojem su studentima dijelili letke „Znanjem do diplome“ na kojima je jasno napisano čemu da se suprostave, a šta da podrže. Prevencija korupcije kroz obrazovanje – „Više znanja, više transparentnosti“ projekat, koji se provodi na svim bosanskohercegovačkim univerzitetima u saradnji sa Centrom za razvoj omladinskog aktivizma iz Sarajeva i mrežom Account.

Ovo su aktivnosti preventivnog karaktera kojima želimo poručiti da se samo znanjem dolazi do diplome, odnosno da studenti kažu DA projektima, fer kriterijima, jednakim šansama i diplomama koje imaju svoju vrijednost, a da se, s druge strane, suprostave kupovanju pozitivnih ocjena, uslovljavanju izlaska na ispit kupovinom knjiga i generalno kupovini znanja, ističe *Adi Salčinović*, predsjednik Centra za mlade INPUT.



# NOVA ČLANICA OMLADINSKE MREŽE BOSNE I HERCEGOVINE

## VIJEĆE MLADIH FEDERACIJE BOSNE I HERCEGOVINE

4. viteške brigade 34-36, Ilidza Tel./Fax: +387 33 778-770

E-mail: [vmfbih@gmail.com](mailto:vmfbih@gmail.com)

Web: [www.vijecemladih.ba](http://www.vijecemladih.ba)

Vijeće mladih Federacij Bosne i Hercegovine je u oktobru 2016. godine zatvorilo Konkurs za izradu loga organizacije. Konkurs je trajao od 15.09. do 15.10.2016. godine. Konkurs je bio otvoren za sve osobe koje su u kategoriji mladih i državljani su Bosne i Hercegovine. Na samom konkursu je bilo 106 osoba koje su se prijavile sa idejom kako bi logo Vijeća mladih FBIH trebao da izgleda. Upravni odbor Vijeća mladih će do 15.11. proglasiti pobjednika/cu, te će se krenuti u izradu web stranice sa bojama koje sadrži pobjednički logo.

U oktobru je potpisan ugovor između Federalnog ministarstva kulture i sporta i Vijeća mladih Federacije BiH, u svrhu sufinansiranja projekta „Jačanje kapaciteta Vijeća mladih FBIH“. Ovaj ugovor su potpisali ministrica *Zora Dujmović* i predsjednik Vijeća mladih FBIH, *Mate Lončar* Svečanom potpisivanju ugovora pored predsjednika, prisustvovala je i sekretarka VMFBiH, *Mirela Geko* te savjetnik ministricе *Goran Lulić*.

Potpisivanje Ugovora između Federalnog ministarstva kulture i sporta i Vijeća mladih FBIH je pokazatelj konstantne podrške ove institucije radu Vijeća mladih u Federaciji Bosne i Hercegovine. Sretni smo da smo na sastanku razgovarali i o narednim koracima i saradnji u svim procesima koji se tiču pitanja mladih.



**LOGO**  
- ZA VMFBiH -

Hvala na odzivu, interesovanju  
i kreativnosti!!!



# SAOPŠTENJA/INFORMACIJE/ DONATORI/POZIVI

## EJN's Biodiversity Media Grant

Rok: 23. Decembar 2016

Earth Journalism Network (EJN) traži aplikacije za svoj **"Biodiversity Media Grant"** sa ciljem podrške žurnalističkim mrežama i medijskim organizacijama diljem svijeta u povećavanju kapaciteta medija koji se bave kritičnim problemima očuvanja i bioraznolikosti..

Biodiversity Media Grant će podržati projekte koji se generalno fokusiraju na trening i izgradnju kapaciteta, sa fleksibilnim smjernicama o potrošnji koje omogućuju lokalnim mrežama da ulažu u streteške prilike, grade kapacitete svojih članova i odgovaraju na potrebe zajednice.

### Projektni prioriteti:

Biodiversity Media Grant će podržati projekte koji:

- Izgrađuju kapacitet žurnalističke mreže i medijskih organizacija koje izvještavaju o bioraznolikosti i problemima očuvanja
- Provode aktivnosti treninga za žurnaliste bioraznolikost i/ili očuvanje
- Izgraditi interni kapacitet
- Organizirati lokalne mreže oko ovih problema

### Informacije o finansiranju

- Fond ima US\$30,000 koji će biti podjeljeni na tri projekta .
- Prosječna veličina granta je stoga US\$10,000, sa potencijalno većim udjelom od ukupnog iznosa za projekte koji pokažu kritičnu potrebu.

### Kriterij za ispunjavanje uvjeta

Uzet će se u obzir aplikacije NVO ili ekoloških grupa koje žele izgraditi kapacitet novinara koji pokrivaju problematiku očuvanja. Prednost će se dati aplikacijama koje uključuju profesionalne novinare, medijske organizacije, škole žurnalistike i sl.

### Kako se prijaviti?

Aplikacije se moraju poslati putem web stranice.

Za više informacija, molimo posjetite [Earth Journalism Network](http://EarthJournalismNetwork.org).

Izvor: <https://www2.fundsfornegos.org/latest-funds-for-ngos/ejns-biodiversity-media-grant-supporting-journalism-networks-and-media-organizations-throughout-the-world/>

# Peace Development Fund: Community Organizing Grants

Rok: 1. Februar 2017.

Fond za razvoj mira traži aplikacije od organizacija za svoj program Zajednica organizira potporu.

Fond za razvoj mira pravi grantove za organizacije utemeljene na zajednici koje rade za socijalnu pravdu. Predan je podržavanju organizacija i projekata koji prepoznaju da mir nikada neće biti uspostavljen ako nije utemeljeno na pravdi i uvažavanju i različitosti i jedinstva ljudske porodice.

Fond za razvoj mira je u mogućnosti da pruži organizacijama mira i društvene pravde širom SAD i internacionalno više od 33 milijuna dolara u grantovima i programima usluga za 2,517 organizacija koje su u nastanku i kojima je fokus socijalna pravda.

## Informacije o finansiranju:

Raspon sredstava Community Organising Grants je \$2,500-\$10,000 i prosjek granta je \$5,000.

## Prioriteti finansiranja

### *Organiziranje za smjenu snaga*

- Grupe koje kreiraju snažnu bazu koja može imati lidere odgovorne za ljude na koje će utjecati njihove odluke
- Grupe koje dopuštaju svom članstvu ili sastavnom dijelu da preuzmu vodstvo u kolektivnom planiranju akcija i donošenju odluka
- Grupe čije vodstvo dolazi direktno od ljudi koji su najviše pod utjecajem problema oko kojeg se organizirate

### *Rad za izgradnju pokreta*

- Grupe koje se organiziraju u malim zajednicama ali prave veze između lokalnih problema i šire potrebu za sistemskom promjenom.
- Grupe koju pružaju članovima prostor da razviju svoje političke analize u isto vrijeme kada i poduzimaju akcije za promjene.
- Grupe koje ruše barijere sa progresivnim pokretom gradeće strateške saveze između grupa različitih kulturalnih i klasnih pozadina ili drugačijih područja problematike.
- Grupe koje istražuju korijene uzroka nepravde i imaju dugoročnu viziju za vrstu društvene promjene za koju rade.

### *Rasklapanje opresije*

- Grupe i projekti koji su proaktivno uključeni u proces rasklapanja opresije, suočavanje sa privilegijama i izazivanje institucionalnih struktura koje uvijekvećuju opresiju (i interne i eksterne za organizaciju)
- Grupe koje proaktivno prave veze između različitih formi opresije (rasizam, heteroseksizam, seksizam, ageizam i sl.) i njihovu povezanost sa nepravdom.

### *Kreiranje novih struktura*

- Grupe koje imaju alternativne organizacione strukture Ipke dozvoljavaju da moć teče "od dna prema gore" .
- Nastojanja da se kreiraju novi alternativni sistemi i strukture utemeljeni na zajednici (enokomska, politička, kulturna, religiozna) koje su oslobađajuće, demokratične i ekološki održive, te koje promiču drave, održive zajednice.

### *Ostali prioriteti finansiranja*

- Nove ili organizacije u nastanku poput onih koje se bave sa gender, ženskim zdravljem i reproduktivnom pravdom; nastojanja koja imaju problema prilikom osiguravanja finansiranja iz drugih izvora; grupe smještene u srednjem zapadu (Midwest) koje primaju malo druge finansijske podrške, grupe koje imaju porijeklo u Occupy pokretu; ili problemi koji još uvijek nisu prepoznati od strane progresivnih donatora.

## Kako se prijaviti?

Zainteresirani aplikanti mogu poslati aplikacije na adresu datu na web stranici. Za više informacija, molimo posjetite: [Peace Development Fund](#).

Izvor: <https://www2.fundsfornegos.org/peace-and-conflict-resolution/peace-development-fund-community-organizing-grants-program/>

## UN Žene poziv za prijedloge za biranje partnera pri implementaciji

Za program "Standards and Engagement for Ending Violence against Women and Domestic Violence in Bosnia and Herzegovina" u Brčko Distriktu.

Kao dio rada UN žene prema okončavanju nasilja nad ženama i djevojčicama, agencija UN-a za Gender jednakost i osnaživanje žena poziva NVO registrirane u Bosni i Hercegovini (BiH) da pošalju projektne prijedloge sa ciljem osnaživanja institucionalnih i mehanizama socijalnih odgovora koji doprinose redukciji gender zasnovanog nasilja u Brčko Distriktu.

Poziv je otvoren za registrirane organizacije civilnog društva iz BiH

Rok za prijavu: **20 Novembar 2016**

Dokumenti:

[UN Women budget template](#)

[Call for IP EVAW Brcko](#)

[Application Form – UN Women](#)

## European Commission Action Grants

Rok: **15 Novembar 2016**

Otvoren za: javne entitete ili privatne organizacije ili internacionalne organizacije

Grant: EU grant na koji se prijavljuje ne može biti manji od 75 000 €

Opis:

Europska Komisija traži prijedloge za "Action Grant" za podršku nacionalnim i transnacionalnim projektima koji se tiču odgovora kriminalne pravde za prevenciju radikalizacije koja vodi terorizmu i nasilnom ekstremizmu.

Prioritetna područja:

- De-radikalizacija/ oslobođenje/ rehabilitacijski programi u zatvoru (projekti trebaju biti izrađeni po mjeri da se spriječi nasilna radikalizacija i teroristička regrutacija);
- Alati za procjenu rizika za pravoduđe (stavljanje razvijenih alata za procjenu rizika (novi ili postojeći) u praktičnu upotrebu, poželjno na multidisciplinarni i holistički način, uključujući, gdje je prikladno, dijeljenje relevantnih informacija između provedbe zakona, službi sigurnosti i gonjenja i evaluiranje rizika alata za procjenu (novih ili postojećih) i njihove praktične upotrebe);
- Trening profesionalaca (posebno upravu zatvora i osoblje, službenika za uslovne, tužitelja, pravosuđa, zatvorskih kapelana / imama, savjetnika) uključenih u nošenje sa radikalnim nasilnim ekstremistima ili onima koji su riskantni da postanu radikalni, na nepredikad i multidisciplinarni način).

## Kvalificiranost

- Aplikanti i partneri moraju biti javni entiteti ili privatne organizacije ili internacionalne organizacije. Organizacije koje su profitne moraju poslati aplikaciju sa javnim entitetima ili privatnim neprofitnim organizacijama. EU grant ne smije biti manji od 75 000 eura;
- Projekt ne smije početi prije datuma prijave aplikacija;
- Trajanje projekta ne bi trebalo biti dulje od 24 mjeseca;
- Države članice EU, uključujući i inozemne odjele, onim Ujedinjenog Kraljevstva i Danske ispunjavaju uvjete za slanje prijedloga

## Grant

Ovaj poziv pokriva iduće aktivnosti:

- Analitičke aktivnosti, poput prikupljanja podataka, anketa, istraživačkih aktivnosti, evaluacija itd.;
- Uzajamno učenje, identifikacija i razmjena najbolje prakse, razvoj radnih metoda koje mogu biti prenosive na druge zemlje učesnice;
- Razmjena informacija i razvoj informacijskih alata;
- Aktivnosti treninga;
- Izgradnja kapaciteta za profesionalce;
- Facilitiranje suradnje između kompetentnih vlasti i agencija, legalnih praktikanata i/ili davatelja usluga (uključujući multidisciplinarne mreže na internacionalnom, nacionalnom, regionalnom i lokalnom nivou);
- Aktivnosti za širenje i podizanje svijesti.

## Kako se prijaviti?

Aplikacije se moraju poslati online.

Za više informacija posjetite [službenu web stranicu](#).

Izvor: <http://www.mladiinfo.eu/2016/10/26/european-commission-action-grants/>



## Dragi prijatelji,

*Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.*

*Rok za dostavljanje informacija za svako naredno izdanje je 30-ti u mjesecu.*

*Adrese za slanje vaših informacija za mjesečni bilten:*  
**Omladinski resursni centar Tuzla**  
**Hadži Bakirbega Tuzlića 1**  
**75000 Tuzla**  
**tel/fax: 035 258 077**  
**e-mail: [orcuzla@bih.net.ba](mailto:orcuzla@bih.net.ba)**  
**[hcatuzla@bih.net.ba](mailto:hcatuzla@bih.net.ba)**

*Mjesečni bilten uređuje Omladinski resursni centar - ORC Tuzla*

*WEB stranica Mreže:*  
**[www.omladina-bih.net](http://www.omladina-bih.net)**

*Mejling lista Mreže:*  
**[posta@omladina-bih.net](mailto:posta@omladina-bih.net)**

*Webmaster:*  
**[emir.delalic@gmail.com](mailto:emir.delalic@gmail.com)**